

事。向不遜人。雖未有口皆碑。也已譽聲載道。這次應該怎樣贊助鍾先生。諸君都已。胸有成竹嗎。

鍾先生到日。個個能够偉偉皇皇的發表我們的熱誠。記者誠心所願。且不禁企予望之。

諸君呵。還有一句說。『須知贊助鍾先生。即所以贊助嶺南學校。贊助嶺南學校。即所以贊助國人』這話要知得透哩。

鍾榮光與廣東

錄智利國民雜誌

(古今翰)

世之有破壞而無建力者。不止恆河沙數。其能破壞兼有建設。實不能多觀。鍾榮光先生。即其人也。先生幼聰慧。學不衰。冠年而領鄉荐。宗族引以爲榮。交游爲之光寵。然先生不以

爲意。棄之如敝屣。蓋嘆江山非我胡虜昏。乃奮袂而起。走執教鞭。(嶺南學校)殷殷與中山先生諸志士力謀革命。其不死于刀鋸之下者幾希矣。幸而民國成立。先生之功炳若日星。異日吾僑異地相逢。得瞻丰采暢聆謔言。何幸如之。民國肇這之初。先生首任我粵教育司長。啓拙關忠。我廣東學務之發達。實先生倡之。不幸龍氏禍粵。謀誅黨人。先生乃東渡美。負笈於哥林比亞大學。迨觀國事日非。粵難未已。乃於民六歸國。就任嶺南副監。謀以養育救國人材。冀挽狂瀾而支危局。先生不遠千里之遙。乘風破浪。奔走於海外。雖云爲嶺南農大勸募。其實爲根本救粵之計劃而來也。吾粵頻年所受兵災匪患。不勝言矣。

兵與匪。本農字之變相也。農人窮而無告。不得已乃挺而走險。是則謀粵治安。根本首在救窮。救窮之道。當以務農爲先。農裕則民富。民富則國強矣。何云乎農務。凡人材教育。農工發達。改良有方。試驗有人。皆所以成之也。吾人愛鄉愛國。飲水思源。莫不欣欣然助鍾先生之進行。以救我廣東也。有錢者出錢有力者出力。各盡義務。共襄偉舉。企予望之矣。

華僑航業問題

陳安仁

海外華僑應興應革之問題至多。而航業亦問題中重要之一。列強之航業雖大半摧毀于歐戰無情之炮火。而邇年各皆努力擴張。爭東西兩太平洋之航路。以爲得之則國外之貿易事業殖民事業可以興起。失之則海外之貿易事業殖民事業

可以衰落。故急急以爲之圖維。日本以東亞之雄稱。其商船戰艦之出沒於美洲澳洲南洋各國者至夥。就中尤以南洋南美視爲天府之隕區。肆力經營。爲日不足。有政府以資助私人之航業。有僑商以爲其政府之後盾。其郵船會社公司之旗幟。飄揚海上。與英吉利之驕兒並駕齊驅。非無故也。歐洲有彈丸小國之挪威。人口二百萬。而其船隻計有二百萬噸。平均計一人一噸。回思吾國之招商局。開辦已數十年。不特國外之航路未有擴張。而國內沿岸及內河之航業。且不足與外人爭競。而任列強商船之縱橫馳驟。論國勢者。將以此覘之矣。

吾僑旅居海外。人數約計八百萬。其在安南暹羅馬來半島爪哇群島。經濟權握在華僑之手者